

TÁLKNAFJARÐARHREPPUR

Mottikið dags: 19/12/13
Mottikið af: Góður
Ábyrgðarmaður: D
Málsnúmer: _____



Tálknafjarðarhreppur
Indriði Indriðason, sveitarstjóri.
Miðtúni 1
460 Tálknafjörður

INNANRÍKISRÁÐUNEYTIÐ

Sölvhólgötu 7 150 Reykjavík
sími: 545 9000 bréfasími: 552 7340
postur@irr.is irr.is

Reykjavík 12. desember 2013
Tilv.: IRR13070171/18.10.9

Með bréfi þessu staðfestir innanríkisráðuneytið siðareglur kjörinn fulltrúa Tálknafjarðarhrepps sbr. 29. gr. sveitarstjórnarlaga nr. 138/2011, sem því voru sendar rafrænt 15. júlí 2013, sbr.e einnig síðari samskipti. Hjálagt er frumrit siðareglna Tálknafjarðarhrepps sem ráðuneytinu voru sendar, staðfestar með stimpli ráðuneytisins, dagsetningu og undirskrift.

Ráðuneytið minni á ákvæði 2. mgr. áður nefndrar greinar sveitarstjórnarlaganna þar sem kveðið er á um opinbera birtingu siðareglanna á vefsíðu sveitarfélagsins eða á annan sambærilegan hátt. Þá telur ráðuneytið rétt að í þeirri birtingu komi fram staðfesting ráðuneytisins.

Fyrir hönd ráðherra


Hermann Sæmundsson


Stefanía Traustadóttir

Fylgiskj.: Frumrit staðfesta siðareglna kjörinna fulltrúa Tálknafjarðarhrepps.

SIÐAREGLUR

kjörinna fulltrúa hjá Tálknafjarðarhrepp.



1. gr.

Markmið.

Markmið þessara reglna er að skilgreina það háttarni sem ætlast er til að kjörnir fulltrúar sýni af sér við störf sín fyrir hönd Tálknafjarðarhrepps og upplýsa íbúa um þær kröfur sem gerðar eru til þeirra.

2. gr.

Starfsskyldur

Kjörnum fulltrúum ber að gegna störfum sínum af alúð og samviskusemi, fyrir opnum tjöldum, vera reiðubúnir að axla ábyrgð á ákvörðunum sínum og gæta hagsmuna Tálknafjarðarhrepps. Í störfum sínum eru kjörnir fulltrúar bundnir af lögum, reglum og samþykktum Tálknafjarðarhrepps, sem og sannfæringu sinni. Þeir skulu í störfum sínum og í umræðu um málefni Tálknafjarðarhrepps stuðla að og viðhafa orð og athafnir sem samrýmast geta góðum mannlegum samskiptum.

Kjörnir fulltrúar hafa ávallt í heiðri grundvallarreglur góðrar stjórnsýslu í störfum sínum, þ.m.t. gagnsæja og upplýsta ákvarðanatöku, og framkvæma ekkert það sem er til þess fallið að vekja grunsemdir um að annað en lögmæt málefnaleg sjónarmið ráði för við stjórn Tálknafjarðarhrepps.

Kjörnir fulltrúar gæta þagnarskyldu um það sem þeir fá vitneskju um í starfi sínu og leynt á að fara vegna einkahagsmuna eða almannahagsmuna samkvæmt lögum eða eðli máls. Trúnaðurinn helst áfram eftir að látið er af störfum.

3. gr.

Ábyrgð.

Kjörnum fulltrúum ber að starfa af kostgæfni, fyrir opnum tjöldum og vera reiðubúnir að rökstyðja ákvarðanir sínar og tilgreina þá þætti sem ákvarðanir þeirra eru byggðar á. Þeir skulu bera ábyrgð gagnvart íbúum í heild sinni og svara fyrirspurnum almennings um framkvæmd þeirra starfa sem þeir bera ábyrgð á sem kjörnir fulltrúar.

4. gr.

Háttvísi og valdmörk.

Í störfum sínum skulu kjörnir fulltrúar koma fram af háttvísi. Sveitarstjórnafulltrúum ber að virða ákvörðunarvald og réttindi annarra kjörinna fulltrúa og starfsmanna sveitarfélagsins. Þeir mega ekki hvetja eða aðstoða aðra kjörna fulltrúa eða starfsmann Tálknafjarðarhrepps við að brjóta þær meginreglur sem hér eru settar fram.

5. gr.

Misbeiting valds.

Kjörnir fulltrúar mega ekki beita réttindum eða aðstöðu sem fylgja embætti þeirra í þágu einkahagsmuna sinna eða annarra í því skyni að geta notið óbeinna eða beinna persónulegra hagsbóta af því. Einnig skulu þeir gæta þess að nýta sér ekki óopinberar upplýsingar til að hagnast á þeim persónulega eða að hjálpa öðrum að gera það.

6. gr.

Gjafir og friðindi.

Kjörnir fulltrúar skulu tilkynna um allar gjafir sem þeir þiggja vegna stöðu eða starfa sinna. Óheimilt er að þiggja gjafir, friðindi eða önnur hlunnindi frá viðskiptamönnum eða þeim sem leita eftir þjónustu Tálknafjarðarhrepps, ef líta má á það sem endurgreiðslu fyrir greiða eða sérstaka þjónustu.

7. gr.

Hagsmunaárekstrar.

Kjörnir fulltrúar skulu forðast hagsmunaárekstra í störfum sínum. Þegar kjörinn fulltrúi á óbeinna eða beinna persónulegra hagsmuna að gæta í máli sem er til umfjöllunar hjá sveitastjórn, hreppsráði eða í öðru nefndarstarfi fyrir hönd sveitarfélagsins, skal hann gera grein fyrir þessum hagsmunum áður en umræður fara fram og atkvæði eru greidd ef vafi getur leikið á um hæfi hans. Kjörnir fulltrúar, nefndarmenn og stjórnendur sem sitja í stjórnunum í einkareknum eða opinberum félögum sem gætu átt hagsmuna að gæta vegna beinna eða óbeinna viðskipta við sveitafélagið, skulu upplýsa um það.

8. gr.

Ábyrgð í fjármálum.

Kjörnum fulltrúum ber að virða fjárhagsáætlun og grundvallarreglur um fjármálastjórn sem tryggja réttmæta og ábyrga meðferð á almannafé íbúa sveitarfélagsins. Við störf sín skulu kjörnir fulltrúar ekki aðhafafast neitt sem felur í sér misnotkun á almannafé svo sem einkanotkun á byggingum sveitarfélagsins, bílum, tækjum og tólum nema slík notkun falli undir heimildir sem ákveðnar eru af sveitarstjórn.

9. gr.

Stjórnsýslueftirlit.

Kjörnir sveitarstjórnafulltrúar skulu virða stjórnsýslueftirlit hjá Tálknafjarðarhrepp og leggja sitt af mörkum til þess að markmið þess náist.

10. gr.

Að virða hlutverk starfsmanna.

Kjörnir fulltrúar skulu í störfum sínum virða hlutverk starfsmanna Tálknafjarðarhrepps. Þeir mega ekki hlutast til um að starfsmenn geri neitt það sem hefur þann tilgang að verða kjörna fulltrúanum á beinan eða óbeinan hátt til hagsmunalegs ávinnings, né heldur aðila nátengdum honum eða ákveðnum hópum eða fyrirtækjum.

11. gr.

Stöðuveitingar

Kjörnum fulltrúum ber að gæta þess að stöðuveitingar hjá Tálknafjarðarhrepp sé í hvívetna fylgt lögum og reglum og að einungis málefnalegar forsendur liggi að vali á starfsmanni.

12. gr.

Bann við að tryggja sér stöður.

Kjörnir fulltrúar skulu ekki í störfum sínum leita eftir starfslegum ávinningi í framtíðinni, meðan þeir eru við störf eða eftir að þeir hafa látið af störfum til dæmis í;

- opinberri stofnun eða einkafyrirtæki sem þeir hafa haft eftirlit með í störfum sínum.
- opinberri stofnun eða einkafyrirtæki sem þeir hafa stofnað til samningssambands við í
- störfum sínum.
- opinberri stofnun eða einkafyrirtæki sem sett var á laggirnar meðan þeir gegndu embætti og

samkvæmt því ákvörðunarvaldi sem þeim var falið.



13. gr.

Ráðsmennska.

Kjörnir fulltrúar skulu taka fullt tillit til umbjóðenda sinna og veita þeim þá bestu þjónustu sem þeim er unnt. Þetta felur m.a. í sér að;

- leysa verkefni eftir bestu getu á sem skemmstum tíma hvort sem verkefnin eru stoðverkefni milli sviða, verkefni nefnda eða bein úrlausn fyrir bæjarbúa.
- virða einkalíf með þagmælsku um persónulega hagi og aðrar upplýsingar sem viðkomandi kann að áskotnast í störfum sínum fyrir sveitarfélagið.
- upplýsa þá sem það á við um réttindi þeirra, skyldur og úrræði til lausnar verkefna og vandamála.
- virða og verja rétt einstaklinga til sjálfsákvörðunar eins og mögulegt er.

14. gr.

Miðlun siðareglna til kjörinna fulltrúa, embættismanna og almennings.

Kjörnum fulltrúum ber að tileinka sér þessar siðareglur og lýsa því yfir að þeir séu reiðubúnir til að hafa þessar siðareglur að leiðarljósi. Siðareglurnar skulu vera aðgengilegar starfsfólki sveitarfélagsins, almenningi og fjölmiðlum á heimasíðu sveitarfélagsins og annan þann hátt sem sveitarstjórn ákveður, til að þessir aðilar geti gert sér grein fyrir meginreglum þeirra.

Samþykkt á fundi sveitarstjórnar Tálknafjarðarhrepps 10. Júlí 2013.